



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

U skladu sa članom 82. st. (1) i (2) Zakona o veterinarstvu BiH ("Službeni glasnik BiH", broj 34/02),
Direktor Ureda donosi

UPUTSTVO

o postupku certificiranja pošiljki mesa peradi i proizvoda od mesa peradi u svrhu izvoza u Evropsku Uniju

Član 1. (Predmet)

Ovim Uputstvom utvrđuje se način postupanja:

- a) ovlaštenih veterinaru iz ovlaštenih veterinarskih organizacija u procesu izdavanja obrazca svjedodžbe o zdravstvenom stanju peradi prilikom slanja na klanje u klaonice peradi;
- b) ovlaštenih veterinaru iz ovlaštenih veterinarskih organizacija ili nadležnih veterinarskih inspektora u procesu izdavanja obrasca potvrde koja prati pošiljke proizvoda životinjskog porijekla namijenjenih ishrani (Obrazac 2a) u unutrašnjem prometu ili obrasca potvrde proizvoda životinjskog porijekla namijenjenih industrijskoj upotrebi i otpadnih animalnih materija koje se otpremaju prijevoznim sredstvima u unutrašnjem prometu (Obrazac 2b) u objekat za preradu mesa peradi;
- c) nadležnih veterinarskih inspektora u procesu certificiranja pošiljki mesa peradi i proizvoda od mesa peradi u svrhu izvoza u Evropsku Uniju (u daljem tekstu: pošiljki).

Član 2. (Obaveze ovlaštenih veterinaru iz ovlaštenih veterinarskih organizacija)

(1) Ovlašteni veterinar iz ovlaštene veterinarske organizacije dužan je popuniti potvrdu iz Priloga I ovog Uputstva i priložiti je uz Obrazac svjedodžbe o zdravstvenom stanju životinje ili više životinja iste vrste koja je propisana Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu („Službeni glasnik BiH“, br. 33/03, 14/04, 35/05, 6/15, 45/15, 16/20 i 68/22) prilikom svakog slanja peradi na klanje u klaonice peradi odobrene za izvoz mesa peradi u EU.

(2) Potvrda iz stava (1) ovog člana služi nadležnom veterinarskom inspektoru u klaonici kao dokaz porijekla zaklane peradi uključujući i porijeklo jaja za valjenje iz kojih je ta perad izležena u valionici, ukoliko je meso peradi namijenjeno izvozu u EU.

(3) Ovlašteni veterinar iz ovlaštene veterinarske organizacije ili nadležni veterinarski inspektor dužan je popuniti potvrdu iz Priloga II ovog Uputstva i priložiti je uz obrazac potvrde koja prati pošiljke proizvoda životinjskog porijekla namijenjenih ishrani ljudi (Obrazac 2a) u unutrašnjem prometu ili obrazac potvrde proizvoda životinjskog porijekla namijenjenih industrijskoj upotrebi i otpadnih animalnih materija koje se otpremaju prijevoznim sredstvima u unutrašnjem prometu (Obrazac 2b) koji su propisani Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu („Službeni glasnik BiH“, br. 33/03, 14/04, 35/05, 6/15, 45/15, 16/20 i 68/22) prilikom svakog slanja mesa peradi u u objekat za preradu mesa peradi odobren za izvoz proizvoda od mesa peradi u EU.

(4) Potvrda iz stava (3) ovog člana služi nadležnom veterinarskom inspektoru u objektu za preradu mesa peradi kao dokaz porijekla mesa peradi koje se prerađuje u svrhu izvoza u EU.

(5) Prilikom izdavanja Potvrda iz stava (1) i (3) ovog člana ovlašteni veterinar iz ovlaštene veterinarske organizacije ili nadležni veterinarski inspektor garantuju da su podaci u potvrdama iz Priloga I i II istinito popunjeni.

Član 3.

(Obaveze nadležnog veterinarskog inspektora u objektima odobrenim za izvoz mesa peradi ili proizvoda od mesa peradi u Evropsku Uniju)

(1) Nadležni veterinarski inspektor u objektu za klanje peradi ili objektu za preradu mesa peradi ne smije izvršiti certificiranje pošiljke namjenjene izvozu u EU dok u potpunosti ne utvrdi porijeklo žive peradi za klanje u slučaju izvoza mesa peradi ili porijeklo mesa peradi koje se koristilo u izradi proizvoda od mesa peradi, odnosno dok mu na raspolaganju ne budu potvrde iz Priloga I ili Potvrde iz Priloga I i II ovog Uputstva, gdje je primjenljivo.

(2) Nadležni veterinarski inspektor u objektu za klanje peradi i objektu za preradu mesa peradi i izradu proizvoda od mesa peradi prije izdavanja propisanog veterinarsko - zdravstvenog sertifikata koji prati predmetnu pošiljku namjenjenu za izvoz u EU je obavezan provjeriti i potvrditi:

- a) da je perad za klanje ili meso peradi namjenjeno daljnjoj preradi prilikom dopremanja na klaonicu ili u objekat za preradu praćeno propisanom veterinarskom dokumentacijom, te da je cjelokupan proces klanja i prerađivanja mesa peradi u potpunosti dokumentovan;
- b) da se u praksi primjenjuju procedure i planovi sistema sigurnosti proizvoda, uključujući i planove uzorkovanja i, kada je to potrebno, poduzimaju korektivne mjere u skladu sa definisanim kriterijima;
- c) da se za eksterna laboratorijska ispitivanja koriste akreditirane laboratorije i akreditirane metode u skladu sa zahtjevima Uredbe EU 2073/2005;

(3) Nadležni veterinarski inspektor u objektu za klanje peradi smije izdati propisane veterinarsko - zdravstvene sertifikate za meso peradi koje se izvozi u Evropsku Uniju ili šalje na daljnju preradu u objekat za proizvodnju proizvoda od mesa peradi koji su namijenjeni izvozu u Evropsku Uniju samo za one trupove peradi koji su u potpunosti prošli post mortem pregled u skladu sa članom 25(1) Provedbene Uredbe Komisije (EU) 2019/627 od 15. marta 2019. o utvrđivanju ujednačenog

praktičnog uređenja za provedbu službenih kontrola proizvoda životinjskog podrijetla namijenjenih prehrani ljudi..

(4) Svi navodi koji se potvrđuju od strane nadležnog veterinarskog inspektora na propisanom veterinarsko- zdravstvenom certifikatu koji prati predmetnu pošiljku namijenjenu za izvoz moraju biti provjereni i na adekvatan način dokumentovani.

Član 4.

(Porijeklo peradi za klanje)

(1) Perad za klanje čije je meso namijenjeno izvozu u EU mora biti:

- a) porijeklom iz BiH, uključujući i jaja za valjenje iz kojih je ta perad izvaljena;
- b) porijeklom iz neke od zemalja Evropske Unije, uključujući i jaja za valjenje iz kojih je ta perad izvaljena;
- c) porijeklom iz treće zemlje koja se nalazi na spisku trećih zemalja, područja ili njihovih zona iz Prilogav V Provedbene Uredbe Komisije (EU) 2021/404 od 24. marta 2021. o utvrđivanju popisa trećih zemalja, područja ili njihovih zona iz kojih je dopušten ulazak u Uniju životinja, zametnih proizvoda i proizvoda životinjskog podrijetla.

(2) Ukoliko se radi o uvozu jednodnevnih pilića namijenjenih daljnjem tovu, ili su perad za klanje izvaljena u jednoj od odobrenih valionica u BiH iz uvezenih jaja za valjenje, meso takve zaklane peradi može se izvoziti u EU samo ukoliko jednodnevni pilići ili jaja za valjenje vode porijeklo iz zemalja EU ili jedne od trećih zemalja koja se nalazi na spisku trećih zemalja, područja ili njihovih zona iz Priloga V Provedbene Uredbe Komisije (EU) 2021/404 od 24. marta 2021. o utvrđivanju popisa trećih zemalja, područja ili njihovih zona iz kojih je dopušten ulazak u Uniju životinja, zametnih proizvoda i proizvoda životinjskog podrijetla.

Član 5.

(Porijeklo mesa peradi namijenjenog preradi)

(1) Meso peradi koje se koristi u preradi za proizvodnju proizvoda od mesa peradi namijenjenih izvozu u EU mora biti:

- a) porijeklom od peradi za klanje u skladu sa članom 4. ovog Uputstva, zaklane u klaonici u Bosni i Hercegovini koja je odobrena za izvoz mesa peradi u EU;
- b) porijeklom iz neke od zemalja Evropske Unije;
- c) porijeklom iz treće zemlje koja se nalazi na spisku trećih zemalja, područja ili njihovih zona iz Priloga XIV Provedbene Uredbe Komisije (EU) 2021/404 od 24. marta 2021. o utvrđivanju popisa trećih zemalja, područja ili njihovih zona iz kojih je dopušten ulazak u Uniju životinja, zametnih proizvoda i proizvoda životinjskog podrijetla.

(2) Ukoliko se za proizvodnju proizvoda od mesa peradi koristi mašinski otkošteno meso (MOM), MOM mora:

- a) dolaziti iz objekata iz Bosne i Hercegovine koji su odobreni za proizvodnju MOM-a koji se koristi kao sirovina za proizvodnju proizvoda od mesa peradi namijenjenih izvoz u EU i taj objekat se nalazi na spisku objekata odobrenih za izvoz u EU uz napomenu da se MOM kao takav ne izvozi u EU, i/ili
b) biti porijeklom iz EU.

Član 6.
(Sljedivost)

Svi objekti (klaonice, rasjekaonice, skladišta i objekti za preradu mesa) koji su uključeni u EU izvozni lanac mesa peradi i proizvoda od mesa peradi moraju biti ovlašteni za aktivnosti koju obavljaju, i biti:

- a) na spisku objekata porijeklom iz trećih zemalja odobrenih za izvoz mesa peradi i proizvode od mesa peradi u EU, i/ili,
b) iz EU.


Član 7.
(Dodatne garancije za Finsku i Švedsku)

U slučaju izvoza mesa peradi u Finsku i Švedsku nadležni veterinarski inspektor na propisanom veterinarsko - zdravstvenom certifikatu koji prati pošiljku mesa peradi, uključujući mljeveno meso, ali isključujući mesne pripravke i mašinski otkoštено meso, mora potvrditi i dodatne garancije u vezi sa salmonelom koje su propisane Uredbom Komisije (EZ) br. 1688/2005 od 14. oktobra 2005. o provedbi Uredbe (EZ) br. 853/2004 Evropskog parlamenta i Vijeća u pogledu posebnih jamstava u vezi sa salmonelom za pošiljke određenog mesa i jaja namijenjene Finskoj i Švedskoj.

Član 8.
(Stupanje na snagu)

(1) Ovo Uputstvo stupa na snagu danom donošenja i objavljuje se na web stranici Ureda za veterinarstvo Bosne i Hercegovine.

(2) Stupanjem na snagu ovog Uputstva prestaje da važi Uputstvo o o postupku certificiranja pošiljki mesa peradi i proizvoda od mesa peradi u svrhu izvoza u Evropsku Uniju broj 03-5-27-14-36-2/18 od 13.08.2018. godine.



DIREKTOR

Saša Bošković dr vet.med.

Broj: 02-4-27-48-1248-5/23
Datum: 22.03.2024

Prilog I

Potvrda o porijeklu pošiljke peradi namjenjene klanju u svrhu izvoza mesa peradi u EU

(Naziv klaonice i odobreni broj - VKB broj gdje se upućuje perad na klanje)

<i>(Informacije o porijeklu peradi za klanje – popunjava ovlašteni veterinar iz ovlaštene veterinarske organizacije)</i>	
Farma porijekla peradi za klanje <i>(navesti naziv farme, VKB/registarski broj farme, lokaciju farme ukoliko je u BiH, odnosno državu porijekla, datum uvoza i broj ZVUD-a ukoliko je perad za klanje iz uvoza - popunjava ovlašteni veterinar iz ovlaštene veterinarske organizacije)</i>	
Broj i kategorija peradi koja se upućuju na klanje, kao i datum upućivanja peradi na klanje <i>(popunjava ovlašteni veterinar iz ovlaštene veterinarske organizacije)</i>	
Serijski broj veterinarske svjedodžbe o zdravstvenom stanju životinja u unutrašnjem prometu koja prati perad na klanje <i>(popunjava ovlašteni veterinar iz ovlaštene veterinarske organizacije)</i>	
Porijeklo rasplodnih jaja iz kojih su izvaljena perad za klanje <i>(navesti naziv farme roditeljskog jata, VKB/registarski broj farme, lokaciju farme ukoliko je u BiH, odnosno državu porijekla, datum uvoza i broj ZVUD-a ukoliko su raspolodna jaja porijeklom iz uvoza - popunjava ovlašteni veterinar iz ovlaštene veterinarske organizacije)</i>	

Mjesto valjenja peradi <i>(navesti naziv valionice, VKB broj valionice, lokaciju valionice ukoliko je u BiH, odnosno državu porijekla, datum uvoza i broj ZVUD-a ukoliko se radi o jednodnevn im pilićima iz porijeklom iz uvoza - popunjava ovlašteni veterinar iz ovlaštene veterinarske organizacije)</i>	
--	--

Ovlaštena veterinarska organizacija: _____

Ime i prezime ovlaštenog veterinara (tiskanim slovima) : _____

Datum: _____ Mjesto : _____

Potpis: _____

Pečat:

Datum klanja peradi <i>(popunjava nadležni veterinarskih inspektor u klaonici po obavljenom klanju i ovjerava svojim potpisom i faksimilom)</i>	
--	--

Prilog II

Potvrda o porijeklu pošiljke mesa peradi koja se otprema u objekat odobren za izvoz proizvoda od mesa peradi u EU

(Naziv objekta i odobreni broj - VKB broj gdje se upućuje meso peradi na preradu)

<i>(Informacije o porijeklu mesa peradi za preradu – popunjava ovlašteni veterinar iz ovlaštene veterinarske organizacije ili nadležni veterinarski inspektor u objektu porijekla mesa peradi)</i>	
Objekat porijekla mesa peradi <i>(navesti naziv objekta (klaonice), VKB broj klaonice, lokaciju klaonice ukoliko je u BiH, odnosno državu porijekla, datum uvoza i broj ZVUD-a ukoliko je meso peradi za preradu iz uvoza - popunjava ovlašteni veterinar iz ovlaštene veterinarske organizacije ili nadležni veterinarski inspektor u objektu porijekla mesa peradi)</i>	
Objekat/objekti skladištenja mesa (ukoliko je meso nakon klaonice skladišteno u drugim skladištima) <i>(navesti naziv objekta (skladišta), VKB broj skladišta, lokaciju skladišta ukoliko je u BiH, odnosno državu porijekla, datum uvoza i broj ZVUD-a ukoliko je meso peradi za preradu iz uvoza - popunjava ovlašteni veterinar iz ovlaštene veterinarske organizacije ili nadležni veterinarski inspektor u objektu skladištenja mesa peradi)</i>	
Kolčina i kategorija mesa peradi koje se otprema u objekat za preradu, LOT broj <i>(popunjava ovlašteni veterinar iz ovlaštene veterinarske organizacije ili nadležni veterinarski inspektor u objektu porijekla mesa peradi)</i>	

Serijski broj veterinarske svjedodžbe o zdravstvenom stanju životinja u unutrašnjem prometu koja je pratila perad na klanje <i>(popunjava ovlašteni veterinar iz ovlaštene veterinarske organizacije ili nadležni veterinarski inspektor u objektu porijekla mesa peradi)</i>	
---	--

Ovlaštena veterinarska organizacija/nadležna veterinarska inspekcija:

Ime i prezime ovlaštenog veterinara/nadležnog veterinarskog inspektora (tiskanim slovima):

Datum: _____ Mjesto : _____

Potpis: _____

Pečat:

Datum prijema mesa u skladište objekta za preradu mesa peradi i LOT broj <i>(popunjava nadležni veterinarskih inspektor u objektu za preradu mesa peradi odobrenom za izvoz u EU po prispjeću mesa za preradu i ovjerava svojim potpisom i faksimilom)</i>	
--	--

NAPOMENA:

Nadležnom veterinarskom inspektoru koji vrši certificiranje pošiljke mesa peradi u svrhu izvoza u EU u izvoznom objektu - **klaonici peradi** mora biti osigurana potvrda iz Priloga I ovog Uputstva

Nadležnom veterinarskom inspektoru koji vrši certificiranje pošiljke proizvoda od mesa peradi u svrhu izvoza u EU u izvoznom objektu - **objektu za preradu mesa peradi i izradu proizvoda od mesa peradi** mora biti osigurana potvrda iz Priloga I i II ovog Uputstva.